

Ina purschida stimada da blers

Uniun Bus alpin

DA GION NUTEGN STGIER / ANR

■ La stad passada han 33 662 persunas fatg diever dal Bus alpin en las 11 regiuns che porschan quella offerta. En cumparaziun cun il dumber da passagiers da la stad 2015 ha il Bus alpin transportà quest onn 2,5% dapli persunas. Er en noss chantun han daplis giasts fatg diever da quella purschida.

Avant diesch onns è vegnida fundada l'Uniun Bus alpin cun l'intent da porscher a giasts ed indigens ina offerta per cuntanscher lieus che n'en betg accessibels cun ils meds da traffic publics. Il project dal Bus alpin vegn lura er sostegni dad Auto Da Posta Svizra, dal Club alpin avizzer e da la Cuminanza da lavur per regiuns muntagnardas. Ultra da quai pussibiliteschan las vischnancas, las uniuns turisticas ed er personas privatas il manascchi dal Bus alpin. Il 2006 cun la purschida da quatter bus alpins han ins transportà en Svizra 13 319 personas e diesch onns pli tard cun ina offerta da 12 bus alpins èn quai tuttina 33 662 personas.

73% vegnan cun ils meds da traffic publics

Fin al lieu da partenza dal Bus alpin vegnan ils giasts cun ils meds da traffic publics. Sco che l'Uniun Bus alpin scriva èn quai schizunt 73% dals giasts che fan diever da la posta ubain dal tren per lura cuntinuar il viadi cun il Bus alpin. Grazia a la purschida dal Bus alpin san els lura cuntinuar l'excursiun e cuntanscher la destinaziun giavischada. Pussaivel èsi er dad ir ad aut a pe e lura turnar tar il lieu da fermada da la posta u dal tren cun il Bus alpin. La statistica conferma dentant che daplis passagiers fan diever dal Bus alpin per cuntanscher lur destinaziun d'excursiun ch'il runtrari.



Er en il Parc Beverin han ils giasts la chaschun da nizzeggiar il Bus alpin.

MAD

9441 passagiers per il bus Val Blenio/Greina

Tar las quatter regiuns che han introduci avant diesch onns il Bus alpin apparategnan er la Val Blenio e la regiun da la Greina. Il 2006 han en quellas duas regiuns 6433 personas nizzeggià la chaschun dad ir cun il Bus alpin e la stad passada èn quai stadas 9442 personas. En cumparaziun cun la stad 2015 è quai in augment da 931 personas. Las regiuns cun in Bus alpin profiteschain ferm da la generusadad dals giasts, hajan ils total

33 662 giasts créa ina creaziun da valor da radund dus milliuns francs cun pernottar, cun mangiar, cun visitar occurenzas culturalas e per las cumpras da tut gener.

Pulit augment a Bravuogn

Dapi il 2009 cursescha il Bus alpin er da Sur a l'Alp Flex ubain da l'Alp Flex tar la fermada da la posta a Sur. Da lez temp èn vegnidias transportadas 2406 personas e la stad passada giascha quella cifra tar 3260 personas. En cumparaziun cun la

stad 2015 han uschia 39 damain personas fatg diever dal Bus alpin tranter Sur e l'Alp Flex. Persuenter han 2226 personas a Bravuogn nizzeggià il Bus alpin per ir en la Val Tuors, quai ch'è in augment da 438 personas. En la regiun dal Parc Beverin èn la stad 2016 idas cun il Bus alpin 321 personas ed en cumparaziun cun la stad avant in onn èn quai 78 personas dapli. Tut en tut è uschia il Bus alpin ina istorgia da success e cunzunt ina purschida necessaria che vegn er stimada da blers.